

○ 黃錦君 ○

兩宋后妃事迹編年

○ 巴蜀書社



○ 黃錦君 ○

兩宋后妃事迹編年

巴蜀書社 中國·成都

責任編輯：黃雲生

封面設計：李文金

兩宋后妃事迹編年

黃錦君 著

巴蜀書社出版發行

(成都鹽道街三號)

四川省新華書店經銷

成都福利東方彩印廠印刷

開本 850×1168 毫米 1/32 印張 10.25 插頁 1 字數 210 千

1997 年 5 月第一版

1997 年 5 月第一次印刷

印數 1—1850 冊

ISBN7 - 80523 - 825 - 1/K·178

定價：20.00 圓

目錄

引言	一
宋太祖	二
宋太宗	九
宋真宗	一七
宋仁宗	三四
宋英宗	九四
宋神宗	一〇二
宋哲宗	一三一
宋徽宗	一九六
宋欽宗	二一四
宋高宗	二二三

目 錄

宋孝宗	二七〇
宋光宗	二八〇
宋寧宗	二八八
宋理宗	三〇一
宋度宗	三一三
宋恭帝	三二六
宋端宗	三三一
宋帝昀	三二三
主要參考書目	三二四

引言

公元九百六十年，在開封東北四十里的陳橋驛發生了一場兵變，這就是著名的陳橋兵變。趙匡胤在衆人的擁戴之下，黃袍加身，成為了新一代君主，開始了國號為宋的封建王朝的統治。宋包括北宋和南宋，北宋定都開封，歷太祖、太宗、仁宗、英宗、神宗、哲宗、徽宗、欽宗九朝；南宋定都臨安（今浙江杭州），歷高宗、孝宗、光宗、寧宗、理宗、度宗、恭帝、端宗、帝昀等。在經過了李唐一代后妃們的轟轟烈烈之後，趙官家的后妃們大多「能執婦禮」，顯得厚道而又安靜，但并非無所作為。她們屢屢在國家危急關頭挺身而出，聽斷軍國大政，并取得驕人的政績，英宗宣仁聖烈高后就被譽為「女中堯舜」。而作為後宮深院的女性，皇后也好，嬪御也好，她們更多地纏繞在各種宮廷鬭爭之中，於是，一幕幕正劇、鬧劇、悲劇、喜劇在這裏拉開大幕。而人生滄桑，歷史舞臺上總出現着似曾相識的面孔，翻檢有宋一代的后妃事迹，不僅可以了解那個歷史時期后妃們的種種生活，更可了解到在整個男權統治的社會裏，女性憑借着她們的聰明智慧、努力抗爭，乃至特殊地位等等，同樣可以在社會上爭得一席之地，幹出幾件大事，成就一番事業，在歷史上留下意義深遠的一頁。

宋太祖建隆元年（公元九六〇）

正月乙巳，大赦，改元，定有天下之號曰宋。

二月乙亥，尊母南陽郡夫人杜氏為皇太后。杜太后，定州安喜（今河北定縣）人。父爽，母范氏。既笄，歸于宣祖趙弘殷。生有五子，即帝、光濟、光義、廷美、光贊，光濟、光贊早卒，另有二女。後唐天成二年（公元九二七），生帝于洛陽夾馬營，晉天福四年（公元九三九），生光義于浚儀官舍。周顯德中，帝為定國軍節度使，封南陽郡太夫人。及帝自陳橋還京師，人走報太后曰：「點檢已作天子。」太后曰：「吾兒素有大志，今果然。」及帝見太后於堂上，衆皆賀之，惟后愀然不樂，左右曰：「臣聞『母以子貴』，自古如此，后子今作天子，胡為不樂？」太后謂帝曰：「吾聞為君不易，且天子者，致身于兆庶之上，若治得其道，則此位可尊，或失馭，則欲為匹夫不得，是吾所以憂也，子宜勉之。」（《邵氏聞見錄》卷七，《宋史·后妃傳上》）

三月壬戌，追尊祖考為皇帝，妣為皇后。高祖幽都縣令朮謚曰文獻，廟號僖祖，陵曰欽陵，祖妣崔氏謚曰文懿；曾祖兼御史中丞珽謚曰惠元，廟號順祖，陵曰康陵，祖妣桑氏謚曰惠明；皇祖涿州刺史敬謚曰簡恭，廟號翼祖，陵曰定陵，祖妣劉氏謚曰簡穆；皇考周龍捷左廂都指揮使、岳州防禦使宏殷謚曰昭武，廟號宣祖，陵曰安陵。按，簡穆皇后劉氏為幽州營田使兼平州刺史正之女，初追封京兆郡太夫人。（《宋會要輯稿》后妃一之一，《續資治通鑑長編》）

卷一。《宋史·太祖本紀一》載追尊事在九月丙午。）

八月甲申，立琅邪郡夫人王氏為皇后。王氏，鄆州新平（今陝西彬縣）人，彰德節度使王饒之女。周顯德五年，賀氏卒後，聘為繼室，周世宗賜冠帔，封琅邪郡夫人。

宋太祖建隆二年（公元九六一）

正月丙申，帝詣太后宮門稱慶。

五月癸亥，因皇太后寢疾，赦雜犯死罪已下。

六月甲午，皇太后杜氏崩于滋德殿，年六十。遺詔云：「生死者人之常道，修短者天之定數。考終為福，其又奚悲？予年過六旬，比多衰病，家國之故，憂勞積念，自春及夏，風氣頻作，鍼石備至，有加無瘳。將盡天年，宜申理命。皇帝天資仁孝，親侍醫藥，衣不解帶，涉于數旬。重念軍國事繁，人神所託，勉思遠大，無過哀毀。予瞑目之後，宜以宗社為心，更賴群臣，共與開釋。皇帝成服，三日聽政，以日易月，一依舊制。在京文武臣僚，十三日而除。諸司長官以上，近臣列校，朝晡臨于宮庭；其餘職官臨于宮門外。諸道州府長吏以下，三日釋服。軍人百姓，不用縞素。沿邊州府，不得舉哀。釋服之後，勿禁作樂。園陵制度，務從儉省。勉從予志，勿用煩勞。」（《宋大詔令集》卷一四，《宋會要輯稿》禮三之一）

太后聰明有智度，每與帝參決大事。呼趙普為書記，常勞撫之曰：「趙書記且為盡心，吾兒未更事也。」尤愛皇弟光義，然未嘗假以顏色，光義每出則戒之曰：「必與趙書記偕行乃可。」仍刻景以待其歸，光義不敢違。及寢疾，召趙普入受遺命，太后因問帝曰：「汝知所以得天下乎？」帝曰：「臣所以得天下者，皆祖考及太后之積慶也。」太后曰：「不然，正由柴氏使幼兒主天下，群心不附故耳。若周有長君，汝安得至此。汝與光義皆我所生，汝後當傳位汝弟。四海至廣，能立長君，社稷之福也。」帝頓首泣曰：「敢不如教。」因命趙普于榻前為約誓書，其尾曰：「臣普記。」藏之金匱，命謹密宮人掌之。趙普，後周時為帝幕僚，任掌書記，策劃陳橋兵變，助其代周。（《涑水記聞》卷一，《邵氏聞見錄》卷一，《續資治通鑑長編》卷二）

庚子，以太后喪，權停時享。

丙辰，宰臣王溥為皇太后山陵使。

七月壬戌，以皇太后殯，不受朝。

壬申（《長編》作「壬午」），以光義為開封府尹，廷美行興元尹。

是月，太常禮院言：「準詔議定皇太后謚，按唐憲宗母王太后崩，有司集議，以謚狀讀于太廟，然後上之。周宣懿皇后謚，即有司撰定奏聞，未嘗集議，制下之日，亦不告郊廟，修謚冊畢始告廟，還讀于靈座前。」詔從周制。于是，太常少卿馮吉請上尊謚曰明憲皇太后。

十月癸巳，南唐遣其臣韓熙載、田霖來會皇太后葬。

丙午，葬明憲皇太后于安陵。

十一月甲子，太后神主祔廟。

十二月乙卯，中書門下言：「得太常禮院狀，皇后姊太原郡君王氏卒。準禮例，皇后當出，就故彰德節度使王饒第發哀成服。百官詣其第，進名奉慰。」從之。（《續資治通鑑長編》卷二）

宋太祖建隆三年（公元九六二）

四月乙巳，追册夫人賀氏為皇后。賀氏，開封（今河南開封）人，右千牛衛率府率賀景思長女。性溫柔恭順，動以禮法。景思嘗為軍校，與宣祖同居護聖營。晉開運中，宣祖為帝聘焉。周顯德三年，帝為定國軍節度使，封會稽郡夫人。生二公主及皇子德昭。五年，病卒，年三十。

八月，左領軍衛將軍杜審瓊，昭憲太后之兄，與其弟審肇、審進家于常山，于是悉召赴闕。九月丙辰，以審瓊為左龍武大將軍、審肇為左神武大將軍、審進為左武衛大將軍，并致仕，賜第京師。太后昆仲五人，審琦最長，其次審玉，次審肇，次審進。審琦、審玉已卒。

宋太祖乾德元年（公元九六三）

十二月甲申，皇后王氏崩，年二十二，翰林學士竇儀撰哀冊文。后事太后曲盡孝敬，能得其歡心。常服寬衣，佐御膳，善彈箏鼓琴。生子女三人，皆夭。后初寢疾，翰林醫官王守愚進藥不精審，疾遽加劇，后崩，守愚坐減死流海島。樞密都承旨王仁瞻為園陵使。

宋太祖乾德二年（公元九六四）

三月辛丑，遣光義改上明憲皇太后謚曰昭憲，上皇后賀氏謚曰孝惠，王氏曰孝明。

四月乙卯，改葬宣祖昭武皇帝、昭憲皇太后于安陵，孝明皇后王氏、孝惠皇后賀氏祔葬。

壬申，祔二后神主于別廟。先是，追冊孝惠皇后止就陵所置祠殿，薦以常食，及孝明皇后崩，乃議別廟之制。至是，孝明居上，孝惠次之。

宋太祖開寶元年（公元九六八）

二月，納皇后宋氏。宋氏，洛陽（今河南洛陽）人，父，忠武節度使宋偁，母，漢永寧公主。宋氏幼時曾隨母入見，周太祖賜冠帔。乾德五年，帝召見，復賜冠帔。時偁任華州節度，宋氏隨母歸鎮。孝明皇后崩，復隨母來賀長春節，旋納入宮為皇后，時年十七。宋偁，本名延渥，後唐莊宗之外孫，後漢高祖之女婿，曾隨周世宗伐淮夷下江南。宋建隆元年，加檢校太

師，隨帝征討李重進，後封邢國公。太宗端拱二年卒，謚曰莊惠。

宋太祖開寶三年（公元九七〇）

十月己巳，京兆郡夫人杜氏卒。帝不視朝，素服發哀于講武殿，文武百僚進名奉慰，仍追封齊國太夫人。杜氏，昭憲太后妹。少歸劉還，還早卒，至是贈太保。

宋太祖開寶五年（公元九七二）

七月甲午，永慶公主出降右衛將軍魏咸信。咸信，仁浦之子。仁浦，周世宗時為相，宋初進右僕射。公主嘗衣貼綉鋪翠襦入宮中，帝見之，謂主曰：「汝當以此與我，自今勿復為此飾。」主笑曰：「此所用翠羽幾何。」帝曰：「不然，主家服此，宮闈戚里必相效。京城翠羽價高，小民逐利，必輾轉販易，傷生寢廣，實汝之由。汝生長富貴，當念惜福，豈可造此惡業之端？」主慚謝。主因侍坐，與皇后同言曰：「官家作天子日久，豈不能用黃金裝肩輿乘以出人？」帝笑曰：「我以四海之富，宮殿悉以金銀為飾，力亦可辦。但念我為天下守財耳，豈可妄用？古稱，以一人治天下，不以天下奉一人。苟以自奉養為義，使天下之人何養哉？當勿復言。」帝六女，三女早夭。昭慶公主開寶三年六月出降審琦之子左衛將軍、駙馬都尉王承衍。延慶公主五年閏二月出降守信之子左衛將軍、駙馬都尉石保吉。（《續資治通鑑長編》）

卷一三

宋太祖開寶六年（公元九七三）

八月，趙普罷相出為河陽三城節度使。普既出鎮，上表自訴曰：「外人謂臣輕議皇弟開封尹，皇弟忠孝全德，豈有間然。矧昭憲皇太后大漸之際，臣實與聞顧命，知臣者君，願賜昭鑒。」帝手封其表藏之金匱。（《續資治通鑑長編》卷一四）

九月己巳，封弟光義為晉王、兼侍中，子德昭同中書門下平章事。
壬申，詔晉王光義班宰相上。

宋太祖開寶七年（公元九七四）

四月丙戌，追贈昭憲皇太后曾祖蘊太保、祖琬太傅、父爽太師，妣皆封衛燕國太夫人。

宋太祖開寶九年（公元九七六）

十月癸丑，帝崩于萬歲殿，年五十。時夜已四鼓，宋皇后使內侍王繼恩出，召貴州防禦使皇子德芳。繼恩以帝傳國晉王光義之志素定，乃不詣德芳，徑趨開封府召晉王。后聞繼恩至，問曰：「德芳來耶？」繼恩曰：「晉王至矣。」后見晉王愕然，遽呼官家，曰：「吾母子之命，

俱託官家。」晉王泣曰：「共保富貴，莫憂也。」（《續資治通鑑長編》卷一七，又《涑水記聞》卷一）

甲寅，晉王光義即皇帝位，是為太宗。

庚申，以弟廷美為開封尹兼中書令，封齊王；先帝子德昭為永興軍節度使、兼侍中，封武功郡王；德芳為山南西道節度使、興元尹、同平章事。

十一月甲子，追冊故尹氏為淑德皇后，越國夫人符氏為懿德皇后。尹氏，相州鄴（今屬河北臨漳）人，滁州刺史尹廷勳之女，保信軍節度崇珂之姊。帝在周時娶焉，早薨，葬孝明陵西北。符氏，陳州宛丘（今河南淮陽）人，魏王符彥卿第六女。周顯德中歸帝。建隆初，封汝南郡夫人，進封楚國夫人；帝封晉王，改越國。開寶八年薨，年三十四，葬安陵西北。后姊，周世宗后，淳化四年薨。（《宋史·后妃傳上》）

丁卯，詔齊王廷美、武功郡王德昭班宰相上。

十二月甲寅，改是歲為太平興國元年。

宋太宗太平興國二年（公元九七七）

二月乙卯，王繼勳伏法。繼勳，王饒子，太祖孝明王皇后同母弟。性凶率無賴，以后故累官保寧軍節度留後。所為多不法，為部曲所訟，解兵柄。繼勳以失職常怏怏，專以鬻割奴婢為

樂，前後所殺百餘人。帝在藩邸，頗聞其事，及即位，人有訴者，亟命鞠治，繼勳具伏，乃斬于洛陽。

四月乙卯，葬太祖于永昌陵。

五月己卯，祔太祖神主于廟，以孝明皇后王氏配，又以懿德皇后符氏、淑德皇后尹氏祔別廟。初，太祖為帝聘故淄州刺史李處耘女，既納幣，會太祖崩，七月丁丑，始入宮。

宋太宗太平興國四年（公元九七九）

八月甲戌，太祖子德昭自殺。初，德昭從帝征幽州，軍中嘗夜驚，不知帝之所在，有謀立德昭者，帝聞之不悅。及歸，久不行賞，德昭以為言，帝大怒曰：「待汝自為之，賞未晚矣。」德昭退而自刎。太祖四子：德秀、德昭、德林、德芳。德秀、德林已早亡。（《續資治通鑑長編》卷二〇，《涑水記聞》卷二）

宋太宗太平興國六年（公元九八一）

三月己酉，太祖子德芳寢疾卒。

九月辛亥，拜普司徒兼侍中，封梁國公。先是，盧多遜專政，趙普奉朝請累年，多遜益毀之，謂普初無立帝意，普鬱鬱不得志。普子承宗娶燕國長公主（太祖妹）女，承宗適知潭州，受

詔歸闕成婚，禮未逾月，多遜白遣歸任，普由是憤怒。會晉邸舊僚柴禹錫等告秦王廷美驕恣，將有陰謀竊發。帝疑以問普，普因言願備樞軸以察奸變。且自陳曰：「臣開國舊臣，為權倖所沮。」因言昭憲太后顧命及前朝自訴之事。帝于宮中訪得普前所上章并發金匱，大感悟，召普謂曰：「人誰無過，朕不待五十，已盡知四十九年非矣。」故有是命。

始，太祖傳位于帝，昭憲顧命也。或謂昭憲及太祖本意，蓋欲帝復傳之廷美，而廷美將復傳之德昭。故帝即位，亟命廷美尹開封，德昭、德芳實稱皇子，皆緣昭憲及太祖意也。德昭不得其死，德芳相繼夭絕，廷美始不自安，浸有邪謀。他日，帝嘗以傳國之意訪之趙普，普曰：「太祖已誤，陛下豈容再誤邪？」于是普復入相，廷美遂得罪，凡廷美所以得罪，則普之為也。（《續資治通鑑長編》卷二二）

宋太宗太平興國七年（公元九八二）

三月乙未，以弟秦王廷美為西京留守。

四月丁丑，西京留守、秦王廷美罷歸第。

九月甲寅，貴妃孫氏薨（《宋會要輯稿》后妃三之一為太平興國八年）。孫氏，左金吾衛大將軍守斌之女，以太平興國二年八月入宮，三年三月封才人，後賜號貴妃，宮中皆呼貴妃，然未嘗宣制也。宋後宮承舊制，皇后之下有貴妃、淑妃、德妃、賢妃、昭儀、昭容、昭媛、修

儀、修容、修媛、充儀、充容、充媛、婕妤、美人、才人、貴人等。又有女官如司簿、司賓、司寢、尚宮、尚儀、尚服、尚食等，封國夫人、郡夫人、縣君，賜以裙帔。另有紅、紫霞帔之稱。（《續資治通鑑長編》卷二三，《宋會要輯稿》后妃四之一）

宋太宗太平興國八年（公元九八三）

九月，御侍臧氏為縣君。臧氏，李煜宮人，煜卒入宮中。（《宋會要輯稿》后妃三之一）

宋太宗雍熙元年（公元九八四）

正月丁卯，趙廷美薨于房州。太平興國七年，或告廷美驕恣，將有陰謀竊發，罷開封尹，授西京留守，後再降為涪陵郡公，房州安置，憂悸成疾而卒。（《宋史·宗室傳一》）載：帝嘗從容謂宰相曰：「廷美母陳國夫人耿氏，朕乳母也，後出嫁趙氏。」而《宋史·后妃傳》等書明確記載廷美為杜太后所生。

十二月，德妃李氏立為皇后。李氏，潞州上黨（今山西長治）人，潞州刺史李處耘第二女。處耘，周時曾隸太祖帳下，累拜樞密副使，建隆三年拜宣徽南院使兼樞密副使，後以臨事專制謫為淄州刺史，乾德四年卒。後太祖頗追念之，開寶中，太祖為帝聘其次女為妃，既納幣，會太祖崩，至太平興國二年七月始入宮，入宮時年十九。（《宋史·后妃傳上》）作「三年」，